

Allannguutissatut siunnersuut**uunga****Uunga siunnersuut: Imigassat ilaannut Kalaallit Nunaanni sananeqarsimasunut akitsuutit
pillugit Inatsisartut inatsisaata allanngortinneqarnissaa pillugu Inatsisartut inatsisaat nr. xx.
xx. xxx 2019-imeersoq**

(Pineqaatissiarnermik aalajangersakkap erseqqissarneqarnera)

Aappassaaneerneqarnissaanut Naalakkersuisunit saqqummiunneqartoq.

§ 1-imut**1. Siunnersuummi § 1, nr. 1 ima oqaasertalerneqassaaq:****”1. § 19, imm. 1, ima oqaasertalerneqassaaq:**

Kinaluunniit piaaraluni imaluunniit mianersuaalliorujussuarluni iliuuseqartoq akiliinissamik pineqaatissinneqassaaq:

- 1) paassisutissanik akitsuutinik nakkutilliinermut atugassanik eqqunngitsunik paatsoorneqarsinnaasunilluunniit tunniussisoq imaluunniit paassisutissanik nipangiussisoq,
- 2) § 1, § 1 a, § 2, § 3, imm. 1, § 6, imm. 1, § 8, imm. 1, § 9, imm. 1, § 10, imm. 1-imik unioqqutitsisoq, imaluunniit unioqqutitsiarylartoq,
- 3) § 11, imm. 1 naapertorlugu peqquneqarnermik malinninngitsoq,
- 4) nalunaarsorneqarnerup Akileraartarnermik Aqutsisoqarfimmit § 9, imm. 2 imaluunniit § 12, imm. 1 aamma 2 naapertorlugit arsaarinnissutigineqareererata kingorna ingerlatamik akitsuuteqarfiusumik ingerlatsiinnartoq, imaluunniit
- 5) nioqqutissanik inatsit naapertorlugu akitsuutaannik akilerneqarsimasussaagaluanik akitsuuserneqarsimannngitsunilli tunniussisoq, pissarsisoq, paarsisoq, atuisoq, assartuisoq imaluunniit pisoq.”

Siunnersuummut nassuiaatit**Nalinginnaasumik nassuiaatit**

Mineralvandinik, sodavandinik, limonadenik allanillu kulisyremik akoqartunik, ethanolimik akoqanngitsunik imeruersaatinik aningaasarsiutigalugu sanasarnermut tunngatillugu inatsimmi § 1 a-mik unioqqutitsinerit, unioqqutitsisoq piaaraluni imaluunniit mianersuaalliorujussuarluni iliuuseqarsimappat akiliisitaanermik aamma pineqaatissinneqarsinnaassasoq allannguutissatut siunnersuutip nassatarisaanik inatsimmi § 19, imm. 1, nr. 2-mi erseqqissaatigineqassaaq.

Aammattaaq allannguutissatut siunnersuutip nassatarisaanik siunnersummi saqqummiunneqartumi § 19, imm. 1, nr. 2 naapertorlugu oqaasertat "imaluunniit unioqquitseriaraluartoq" peerneqassapput, tassa inatsimmi aalajangersakkani unioqquitseriaraluarneq Kalaallit Nunaanni Pinerluttulerinermi Inatsimmi unioqquitseriaraluarneq pillugu aalajangersakkani ilaatinneqareermat.

Allannguut inatsisissatut siunnersummik naliliisummik allannguinissamut aamma tunngavissiinngilaq.

Aalajangersakkanut ataasiakkaanut nassuiaatit

Nr. 1-imut

Inatsisartut inatsisissaannut allannguutissatut siunnersummut saqqummiunneqartumut atatillugu § 19, imm. 1, nr. 2-mi nalunaarsorneqartut inatsimmi § 1 a-p ilanngunneratigut allangortinneqassapput.

Mineralvandinik, sodavandinik, limonadenik allanillu kulsyremik akoqartunik, ethanolimik akoqanngitsunik imeruersaatinik aningaasarsiutigalugu sanasarneq inatsimmi § 1 a-mi taamaallaat pineqarpoq .

Aammattaaq § 19, imm. 1, nr. 2-mi nalunaarsukkani peerneqassaq "imaluunniit unioqquitseriaraluartoq". Unioqquitseriaraluarluni iliuuseqarnerit Kalaallit Nunaanni Pinerluttulerinermi Inatsimmi unioqquitseriaraluarnerit pillugit aalajangersakkami ilaatinneqareerput, taamaattumillu taama iliuuseqarnerit malittarisassat atuuttut malillugit pineqatissiissutigineqarsinnaareerlutik.